

Relijaun ba Paz

HAROHAN BA LABARIK SIRA IHA MUNDO

Labarik sira iha vida no espíritu moris. Labarik iha nee, agora, mai husi pasadu no nain ba futuru. Labarik hakarak atu moris, hetan protesaun, dezemvolve an. Labarik sira presija paz, justisa no liberdade.

Tulun ITA NIA OAN SIRA

Terus tamba hamlaha no hamrook

Nai tulun ita oan sira

Devastada husi moras

Nai tulun ita oan sira

Sai aleijadu husi hahalok aat no pratika nebe ladiak

Nai tulun ita oan sira

Mate tamba funu

Nai tulun ita oan sira

Vitima husi Violensia

Nai tulun ita oan sira

Ema haketak sira tamba explotaun ba serbisu labarik

Nai tulun ita oan sira

Tauk tamba abuzu seksual

Nai tulun ita oan sira

Sai aat tamba droga

Nai tulun ita oan sira

Moras tamba polusaun envairomentu

Nai tulun ita oan sira

PROTEJE ITA NIA OAN SIRA

Lakon future tamba terus

Nai proteje ita oan sira

Ema haluha sira

Nai proteje ita oan sira

Folin laek

Nai proteje ita oan sira

Esperansa laek

Nai proteje ita oan sira

Ema nega sira nia dignidade no integridade

Nai proteje sira

Ema hasai sira nia furak, kontenti no hamnasa

Nai proteje sira

Ema haketak sira tamba funu, hamlaha, no dizastre

Nai proteje ita oan sira
Selu tusan jersaun tuan nian
Nai proteje ita oan sira
Ema nega sira nia liberdade, justisa no paz
Nai proteje ita oan sira

TAU MATAN BA ITA NIA OAN SIRA

Hakiak ho domin, habo'ot ho matadalan, no laran luak
Nai tau matan ba ita oan sira
Fo ba sira hahan, be mos, uma, rounpa no saude nee diak
Nai tau matan ba ita oan sira
Hariku ho envairomentu nebe mos no protejidu
Nai tau matan ba ita oan sira
Haforsa ho edukasaun, desafia ho oportunidade, no hametin ho sira nia direitu tomak
Nai tau matan ba ita oan sira
Enkorajem sira nia partisipasaun iha politika no ekonomeia nebe diak ba ita nia futuru
Nai tau matan ba ita oan sira
Garante no kuidadu sira nia saude
Nai tau matan ba ita oan sira
Hasae sira nia partisipasaun iha familia global no hariku diferensas
Nai tau matan ba ita oan sira
Dezemvolve ho liberdade, justisa no paz
Nai tau matan ba ita oan sira

Labarik mak moris no milagre, furak no misterio, realizasaun no promesa. Mai ita salva ita nia oan sira.

DOMIN, JUSTISA NO RESPEITU- ORASAUN BA INAN AMAN

Wainhira hau foti liman hasoru hau nia oan sira,
Nee laos tamba hirus;
Maibe tamba atu fo kuntente sira, kuidadu no tau matan

Wainhira hau lian makaas hasoru hau nia oan sira,
Nee laos tamba hirus
Maibe tamba rekuinese, fo korajem no apresiasaun

Wainhira hau oin buis ba hau nia oan sira,
Nee laos tamba goja ou abuzu
Maibe ho hamanasa no kontente

Wainhira hau foti laran reza ba ita
Nee hanesan Parente
Nebe tau matan ba hau oan sira hanesan mos ita
Ho domin, justisa no respeito

Husi domin ita nia oan Jesus, liurai paz nian

Amen

MORIS LIVRE HUSI TAUK NO AMEASA

Maromak boot liu hotu-hotu

Ita bolu ami ba serbisu ba justisa iha ami nia comunidade
Hanesan ema nebe lori rekadu liberdade
Ba sira hotu nebe ema hewain no la trata hanesan ita boot nia oan
Ami harohan ba ita atu gia ami iha ami nia serbisu
Hakotu hahalok aat nebe tuir hela ami nia oan sira nia moris
Liu husi ita boot nia grasa
Ami bele serbisu hamutuk iha soliedaridade ho ema seluk
Atu hakotu torturasaun fiziku
Atu nune'e ami nia oan sira bele boot no moris diak.
Livre husi tauk no ameasa.
No ami bele habelar paz, domin no liberdade
Ba labarik hotu iha nebe deit

Amen

Redi Igreja ba Nao Violensia.

Respeita Labarik Sira

Jesus laos hanorin deit oinsa atu halo ema adultu sira fo sira nian hanoin tomak ba labarik
maibe mos fo justisa ba labarik sira; Nia hanorin kona mundo sosial nebe labarik sira rasik
mak defini.

Iha Nia liafuan no hahalok, Jesus muda hanoin sekulo primeiro nebe konsideira labarik
hanesan propriedade ema adultu nian.

Liu husi nia bensaun no tau liman ba labarik, Jesus simu labarik hanesan ema nebe iha nia
direitu rasik; Nia fo ba sira dignidade, estadu no respeito.

Harohan

Maromak ami nia kriador
Hanesan Nain Feto tau matan ba nia oan Jesus
Iha stagio idak-idak iha nia moris
Ho sabedoria no respeita,
Ami mos bele sai inan aman nebe eduka oan sira ho humanidade
No responde ba ami nia oan sira ho laran luak no kumprensaun.

Tulun ami atu promove lia los husi disiplina
Hanesan disiplus, hanorin no matadalan;
Laos atu baku, kastigu no hamoe.

Tulun ami atu koalia sai no desafia ema sira nebe uja relijiaun atu justifika punisaun fiziku ba sira nia oan.

Fo mai ami sensibilidade universal kona ba responsabilidade ba ita nia oan sira
Atu nune'e iha ami nia moris no serbisu loron-loron nian
Ami bele banati tuir izemplu Jesus nian
Nebe rona labarik sira no fo bas ira estadu no respeito,
Atu nun'e ami bele haree ita boot nia hahalok no imajem iha labarik idak-idak

Amen

Redi Igreja ba Nao- Violensia.